

## Modul Soalan Struktur Cemerlang

### 1 **Seloka Boros dan Jimat**

Katakanlah kau ada ...  
Emas bertimbun,  
Ataupun beras berguni, berkampit, berkarung.  
Wang penuh di gedung, padat di kantung.

Nyatakan dua ciri pantun yang terdapat dalam petikan puisi di atas ( 4 Markah )

### 2 **Syair Seratus Siti**

Tersebut pula suatu perkataan.  
Raja Malabari empunya kerajaan,  
Sehari-hari bersuka-sukaan,  
Rakyatnya banyak tiada terkian.

Berikan dua gaya bahasa beserta contoh yang terdapat dalam syair tersebut. ( 4 Markah )

### 3 **Resam Hidup Manusia (Pantun Dua Kerat)**

Banyak udang banyak garam,  
Banyak orang banyak ragam.

Lain dulang lain kakinya,  
Lain orang lain hatinya.

Lain ulu lain parang.  
Lain dahulu lain sekarang.

Berikan dua gaya Bahasa pengulangan beserta contoh yang terdapat dalam pantun tersebut ( 4 Markah )

## Modul Soalan Esei Cemerlang

### 1 **Kasih Jualan** (Pantun Empat Kerat)

Burung kekek burung di hutan,  
Terbang naik berlegar-legar;  
Mari encik marilah tuan,  
Barang baik baru keluar.

Hari Jumaat pergi memukat,  
Orang menangguk ikan di kali;  
Minta maaf belum berhajat,  
Datang menengok. bukan membeli.

Empat lima kuda di medan,  
Kuda tengkot ke depan juga;  
Bukan panglima rupanya tuan,  
Makanya takut masuk berniaga.

Kuda tengkot menang berlumba,  
Lompat bertangkup keempat kaki;  
Mengapa takut masuk berniaga?  
Kurangkah sanggup sifat lelaki.

Penakut sungguh rupanya ikan,  
Umpan di kail lari menepi;  
Kedekut sungguh tuan nak makan,  
Makanan baik tidak terbeli!

Kalau mengail ikan tenggiri,  
Umpan di taut ikannya bilis;  
Makanan baik tidak terbeli,  
Sayang takut duitnya habis!

Air hangat air bertapis,  
Tuangkan saya agak secawan;  
Sayang sangat duitnya habis,  
Kurang tenaga tidak melawan?

Pasang panjut keliling rumah.  
Bunga api di tengah laman;  
Bukan kedekut, bukannya lemah,  
Cumanya hati belum berkenan.

Dari Medan ke Sibolga,  
Padi di Langkat bawa ke Deli;  
Kasih bukan barang berniaga,  
Hati tak dapat dijual beli.

*Kalung Bunga*, 2008 Dewan Bahasa dan Pustaka

- |     |  |          |
|-----|--|----------|
| (a) | Huraikan maksud <b>rangkap ketiga</b> dan <b>rangkap keempat</b> pantun tersebut | 4 Markah |
| (b) | Nyatakan 4 persoalan beserta contoh yang terdapat dalam puisi di atas            | 8 Markah |
| (c) | Cipta <b>dua</b> rangkap pantun yang bertemakan <b>kekeluargaan</b>              | 8 Markah |

2 **Gurindam Beberapa Petua Hidup**

Orang malas jatuh sengsara,  
Orang rajin banyak saudara.

Barang siapa mungkir janji,  
Namanya tentu menjadi keji.

Kalau diri kena angkara,  
Turutlah susah sanak saudara.

Segala maksiat ada di dunia,  
Ikhtiarkan diri menjauhi dia.

Hukuman bagi orang berdosa,  
Dengan tiada memandang bangsa.

Orang perempuan manusia juga,  
Kehormatan dirinya wajib dijaga.

Kalau tiada emas di pinggang,  
Sanak saudara menjadi renggang.

Ada wang badan tak sihat,  
Tidak bernikmat apa dibuat.

Jika diturut kehendak hati,  
Kelak boleh menjadi mati.

Kunci hati ialah iman,  
Kepada kelakuan jadi pedoman.

*Kalung Bunga, 2008*  
Dewan Bahasa dan Pustaka

- |     |   |              |
|-----|---|--------------|
| (a) | Huraikan maksud rangkap satu dan rangkap dua gurindam tersebut      | ( 4 Markah ) |
| (b) | Jelaskan <b>empat</b> ciri gurindam tersebut                        | ( 8 Markah ) |
| (c) | Cipta empat rangkap gurindam yang bertemakan <b>cinta akan ilmu</b> | ( 8 Markah ) |

3 **Nilai Insan (Pantun Enam Kerat)**

Bawa denak bersangkar rotan,  
Di dalam semak sangkul di dahan,  
Dahan sedepa tempat gantungan;  
Nilai anak kerana ketaatan,  
Nilai emak kerana asuhan,  
Nilai bapa kerana tanggungan.

Menjelang senja ke Kampung Panggas,  
Mencari halia di dalam huma,  
Untuk dicampurkan dalam adunan;  
Nilai pekerja jalani tugas,  
Nilai penyelia adil saksama,  
Nilai majikan penuh keihlanan.

Pohon kuini di tepi pinggiran,  
Tempat terkinja si anak rusa,  
Pemburu mengepung sorak melolong;  
Nilai penghuni mesra berjiran,  
Nilai ketua bertimbang rasa,  
Nilai sekampung tolong-menolong.

Hujan sereyat di tengah hari,  
Menjemur lanipin pinggir kawasan,  
Baju kemeja dijemur sama;  
Nilai rakyat beretika diri,  
Nilai pemimpin ada wawasan,  
Nilai raja berbudaya agama

- (a) Nyatakan dua ciri beserta contoh ( 4 Markah )  
(b) Huraikan empat nilai murni yang terdapat dalam pantun tersebut ( 8 Markah )  
(c) Cipta sebuah pantun yang bertemakan persahabatan ( 8 Markah )